



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Vibor Handžić, zastupnik u Skupštini Kantona Sarajevo

Sarajevo, 17.10.2023.

Dostaviti:

BOSNA I HERCEGOVINA

FEDERACIJA BOSNE I HERCEGOVINE

KANTON SARAJEVO

Skupština Kantona Sarajevo

n/r predsjedavajući Skupštine Kantona Sarajevo g. Elvedin Okerić

Uputiti:

Premijer Kantona Sarajevo

Ministarstvo za visoko obrazovanje, nauku i mlade Kantona Sarajevo

PREDMET: ZASTUPNIČKA INICIJATIVA

Poštovani,

Na osnovu članova 211. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12, 15/13, 47/13, 47/15, 48/16, 9/20 i 14/20), podnosim zastupničku inicijativu za **osnivanje Fonda za nauku, inovacije i razvoj Kantona Sarajevo.**

Obrazloženje:

Fond bi bio formiran kao samostalna upravna organizacija.

Ovakav koncept je široko prihvaćeni model razvoja nauke u svijetu, a i regionalno se temelji na finansiranju kroz ovakve vrste fondova/agencija.

Pregledom trenutnog stanja može se uočiti rascjepkanost istraživačke zajednice na različitim nivoima vlasti, a takav sistem je neefikasan i neracionalan. Ne postoji centralizirani sistem finansiranja i sufinansiranja naučno istraživačkih projekata od značaja za KS. Iako je posljednjih godina drastično povećano izdvajanje za nauku iz budžeta KS, ta sredstva nisu dovoljna da se realizuju strateški važni projekti za KS. Potrebno je povećati priliv sredstava kako iz budžeta, ali i, što je vrlo važno, međunarodnih fondova, te realnog sektora. Dakle ovakav fond bi omogućio centralizaciju budžetskih i vanbudžetskih sredstava.

Trenutnim modelom finansiranja nauke iz budžeta KS sredstva se moraju potrositi unutar jedne budžetske godine, što je izrazito limitirajuća prepreka za razvoj i istraživanja. a potrebno je omogućiti da sredstva budu na raspolaganju duži niz godina i izgraditi sistem koji će omogućiti dugotrajniju raspoloživost sredstava kako bi istraživanja bila što kvalitetnija i svrsishodnija. Ovakav koncept omogućio bi i veću transparentnost i efikasnost finansiranja i istraživanja.

Dodatna prednost formiranja Fonda ogleda se kroz mogućnost angažiranja mladih istraživača (doktoranti i magistranti), centralizirano povezivanje sa privredom i privrednim društvima, te međunarodna saradnja sa sličnim institucijama u cijelom svijetu.

Ovako ustrojen sistem finansiranja i djelovanja, omogućio bi efikasnije djelovanje u skladu sa Strategijom razvoja Kantona Sarajevo.

Autonomija institucije je neophodna radi slobodnog razvoja nauke i istraživanja, te apliciranja na međunarodne projekte.

Ovo je od ključnog značaja jer će takav status ove institucije omogućiti da:

1. Implementiramo višegodišnje naučne/istraživačke projekte koji će biti fokusirani na izabrane prioritetne oblasti (izbjegnut će se ograničenja vezano za izvršenje budžeta).
2. Prikupljanje novca iz različitih izvora (budžet, kompanije, međunarodne organizacije, fondacije, privatne donacije isl.).
3. Objedinjena realizacija javnih nabavki (opreme, usluga itd.) I obezbjeđenje učešća za složene međunarodne istraživačke projekte.

Cilj je promovirati istraživanje najvišeg kvaliteta u svim njegovim oblicima i disciplinama, obezbjeđujući uslove za jačanje i razvoj eko sistema nauke, istraživanja i inovacija, kroz stvaranje uslova za transparentno finansiranje, koje će otkloniti barijere i omogućiti svim relevantnim pojedincima i institucijama da učestvuju čime se obezbjeđuje visok nivo kvaliteta rezultata, konkurentnost i relevantnost u odnosu na izazove poboljšanja svih aspekata ekonomskog i društvenog života u Kantonu Sarajevo.

Fond treba biti organizovan po principu hub institucije. Da bi ovakva struktura obezbjedila dovoljan nivo sigurnosti I kvaliteta neophodno je da se prvo uspostavi portal koji će prije svega omogućiti digitalizaciju procesa implementacije programa/projekata i finansijski menadžment tj. praćenje finansijskih transakcija (kao trezor za ekosistem nauke i inovacija). Takav sistem obezbjeđuje transparentnost I omogućava kontrolu nad javnim sredstvima.

Fond bio po zakonu imao sve organe koje je potrebno da ima te stručnjake za komuniikaciju naučnih rezultata I stručnjake za rad sa mladim istraživačima. Fond bi morao raditi i saradivati sa sličnim institucijama u svijetu, odabir projekata vršiti u skladu sa međunarodno priznatom praksom peer review, a u skladu sa definisanim strateškim ciljevima razvoja Kantona Sarajevo.

Fond bi trebao imati pool recenzenata koji bi ocijenjivali kvalitet, relevantnost i inovativnost. Svaki program ima imenovani tim za praćenje i evaluaciju i izvještavanje o postignutim rezultatima.

S poštovanjem,

Vibor Handžić

